

FAAFINTA RASNIGA AH

الروسية



الجريدة

Sannadka 15aad Muqdisho, 1da Abriie 1987, Lambar 4

JAMHUURIYADDA DIMOQRAADIGA SOOMAALIYA

جمهورية الصومال الديمقراطية

FAAFIN BIL SOO BAXA

جريدة شهرية

QIMADU: waa 5 shilin lambar waliba — **RUKUNKA:** Sanaadi waa Sh. 100 Soomaaliya gudeheeda - dibaddodana waa Shs. 300. Rubunka la weydiisto waqtiga loo gooyey waxuu ka bilaabaa 1 Janaayo. Qimaha qortitaanku F. R. halka sadar iyo waxii ka yar waa 2 laba Sh. Rukunka iyo qortitaanku waxaa la weydiistaa Laanta Maamulka Faaifinta Rasniga ah Lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA

KOWAAD

SHARCI

SHARCI L. 6 ee 12 Feb, 1987, Sharciga Waxba
rashada Guud J.D.S.

BOG, 212

QAYBTA

LABAAD

X E E R

XEER MADAXWEYNAHA JDS, L. 8 ee 20 Jen,
1987, Magacaabid Nootaayo.

» 228

QAYBTA

SADDEXAAD

TALOOPYIN ISGAARSIIN OGE, IYO WIXII LA MID AH

MAXKAMADDA G. BANAADIR, 27.1.87, Lumid
Buug Kayd L. 26046 ku qoran Maxamed
Guusow, Buug L. 20

QAYBTA KOOWAAD

SHARCI

Sharci lambar 6 taariikh 12 Feb. 1987, Sharciga Waxbarashada Guud ee Jamhuuriyadda Dimoqaraadiga Soomaaliya.

MADAXWEYNAHA JDS

ISAGOO TIXGELINAAYA: Oggolaanshaha Golaha Shacbiga;

WUXUU SOO SAARAYAA

Sharciga soo socda:

MABAADI'DA GUUD IYO NIDAAMKA WAXBARASHADA
Qod. 1aad
(Caddeyn)

Marka Sharcigan laga hadlaayo, erayada hoos ku qoran mid waliba waxa uu leeyahay micnaha ku hor qoran:

1. WASAARADDA: Wasaaradda Waxbarashada iyo Barbaarinta.

2. WASIIRKA: Wasiirka Waxbarashada iyo Barbaarinta.

3. HEER WAXBARASHO: muddo waxbarasho oo sannado xaddidan leh.

4. NIDAAM WAXBARASHO: qaab lagu habeeyo waxbarasho heerar kala duwan leh.

5. WAXBARASHADA TOOSKA AH: Waxbarashada caadiga ah ee ku dhisan nidaamka heerarka waxbarashada, sida heerka koowaad, labaad iyo saddexaad.

6. WAXBARASHADA AASAASIGA AH: Waxbarashada loogu talo galay da'da u dhexeysa 6 jir ilaa 14 jir.

7. WAXBARASHADA DADBAN: Waxbarasho nidaamsan oo ka baxsan waxbarashada tooska ah.

8. MU'ASAASAD WAXBARASHO: Hay'ad waxbarasho oo aaney Dawladdu lahayn.

9. WAXBARASHO AHLI AH: Waxbarasho ay bixiso Mu'assasad waxbarasho;

10. WAXBARASHADA GAARKA AH: Waxbarasho loogu

11. MANHAJ: Dhammaan waxbarashada qorsheysan ee loo gudbiyo arday;

12. MUCASKAR: Xarunta lagu fuliyo nashaadka ardayda.

13. QIIMEYNTA WAXBARASHADA: Hab lagu ogaado xaaladaha waxbarashada si loo helo xog sugan oo lagu gaari karo go'aan hagaagsan.

Qiimeynta waxbarashadu waxay ku saabsanaan kartaa nidaamka waxbarashada guud ahaan ama xubnihiiisa qaar-kood sida qiimeynta waxbarashada ardayda, barnaamijyada waxbarashada iyo maamulka waxbarashada.

Qod. 2aad

(Mabaadi'da Guud ee Waxbarashada).

Waxbarashadu waa xaq dastuuri ah oo qof kastaa uu leeyahay. Dawladda Jamhuuriyadda Dimoqaraadiga Soomaaliya waxa ay Muwaadinka siineysaa waxbarasho:-

1. Barta Diinta Isjaamka iyo ku dhaqankeeda;
2. U suurtagelisa horumarinta shakhsiyaddiisa oo saameyneysa jirka, fikirka, ruuxa, shucuurta iyo akhlaaqda
3. Ku beerta waddaninimo kuna barbaarisa midnimada shacbiga Soomaaliyeed;
4. Siisa aqoon guud, cilmi, farsamo iyo xirfad,
5. Barta degaankiisa, dhawriddiisa iyo ka faa iideysiga kheyraadkiisa
6. Barta falsafadda dimoqaraadiyadda, mabaadi'da guud ee Dastuurka iyo shuruucda aasaasiga ah ee Qaranka;
7. Barta in ay shaqadu tahay aasaaska noloshu, kuna beerta dhaqannada wanaagsan ee shaqada;
8. Barta iskaashiga iyo is fahamka Shucuurta Adduunka, gaar ahaan kuwa Carbeed.

Qod. 3aad

(Noocyada Waxbarashada)

Waxbarashada Jamhuuriyadda Dimoqaraadiga Soomaaliya waxa ay noqon kartaa mid Dawladeed iyo mid Ahli ah.

Qodobka 4aad

QAYBTA WAXBARASHADA

Qaybaha Waxbarashada Dalka J.D.S. Waxa ay yihiin

2. Waxbarashada Dadban.

Qodobka 5aad

HEERARKA WAXBARASHADA TOOSKA AH

Heerarka Waxbarashada tooska ah waxa ay u kala baxaan sidatan:

1. Dugsiyada Qur'aanka iyo Xannaanada Caruurta.
2. Heerka Koowaad (Waxbarashada Asaasiga ah)
3. Heerka Labaad (Dugsiyada Sare)
4. Heerka Saddexaad (Tacliinta Sare oo aanu sharciga-ni khuseyn).

QAYBTA LABAAD

DUGSIYADA QUR'AANKA iyo XANNAANADA CARUURTA

Qodobka 6aad

Dugsiga Qur'aanka

Ujeedooyinka laga leeyahay Dugsiga Qur'aanka waxa ay yihiin in ilmaha:

1. La baro Qur'aanka Kariinka ah, laguna rabeeyo jacaaylka Diinka Islaamka.
2. Lagu barbaariyo anshaxa iyo asluubta wanaagsan.
3. Lagu barbaariyo jacaylka waalidkiisa, macalinkiisa iyo jiiraan kiisa.
4. Lagu barbaariyo la dhaqanka faciiisa.

Qodobka 7aad

DUGSIYADA XANNAANADA CARRUURTA

Ujeedooyinka laga leeyahay Dugsiga Xannaanada Caruurta waxa ay yihiin in ilmaha 3-6 jir ah:

1. La baro Qur'aanka Kariimka ah, laguna rabbeeyo jacaalka Diinta Islaamka.
2. Lagu rabbeeyo anshaxa wanaagsan sida maamuuska, naxariista, saaxiibnimada iyo daryeelka hantida
3. Lagu barbaariyo xagga dhismaha jirka & maskaxda
4. Lagu dhiirrigeliyo hal abuurka, la dhaqanka faciiisa iyo jacaylka dadkiisa iyo dalkiisa.

Qodobka 8aad

Xannaanada Carruurta

1. Dugsiyada Qur'aanka iyo Xannaanada Carruurta waxa yeelan kara dawladda ama dadweynaha.

2. Dugsiyada Qur'aanka iyo Xannaanada Carruurta ee dadweynaha waxa ka mas'uul ah maamulkooda, dhismahooda iyo qalabeyntooda Cidda leh, iyaca oo ay dawladdu siineyso daryeel iyo kormeer.

3. Dugsiyada Xannaanada Carruurta ee Dawladaha waa dhismahooda, qalabayntooda iyo maamulkooda ka mas'uul ah Dawladaha Hoose ee Degmooyinka.

QAYBTA SADDEXAAD

WAXBARASHADA HEERKA KOOWAAD W. ASAASIGA AH

Qodobka 9aad

UJEEDDO: WAXBARASHA HEERKA KOOWAAD

Waxbaashada Asaasiga ahi waa saldhigga Waxbarashada Dalka. Waxbarashada heerkani waa in ay ardayga.

1. ku barbaarisaa barashada iyo ku dhaqanka Diinta Islaamka, anshaxa wanaagsan iyo waddaniyada.

2. ka caawisaa dhismaha jirka, maskaxda iyo shakhsi yadda.

3. siisaa awood aqooneed iyo xirfadeed.

Qodobka 10aad

KHASABNIMADA WAXBARASHADA ASAASIGA AH

Waxbarashada Asaasiga ah, oo ay mudda deedu tahay 8 Sano, waa khasab waana xaq ay u siman yihiin carruurta gaartay da'dugsiyeedka.

Qodobka 11aad

MAJAANINIMADA WAXBARASHADA ASAASIGA AH

Waxbarashada asaasiga ah ee dawladdu waa lacag la'aan

Qodobka 12aad

Isku Qoritaanka Dugsiyada Asaasiga ah

1. Dugsiyada Asaasiga ah ee J.D.S. Waxaa isku qori kara ilmo dhammaystay 6 jirnimo, kana weyneyn 14 jir.

2. Da'da kor ku xusan waxa lagu xaqiijinayaa warqadda dhalashada, go'aan dhakhtar ama go'aan guddi dugsi.

WAXBARASHADA HEERKA LABAAD

Qodobka 13aad

(Ujeedooyinka waxbarashada Heerka Labaad)

Waxbarashada Heerkanj waa in ay bixiso tacliin kala duwan oo ay soo saarto qof,

1. Aannahsana kulla dhacno Diinta Islaamka.
2. Leh aqshax wanaagsan, waddaniyad iyo biseyl aqooneed oo u hoggaansama dhaqanka iyo shuruucda Dalka.
3. Leh Asaas Seynis, teknooloji, aqoon iyo xiriado oo Awoodj kara kor u qaadidda tayada noloshiisa iyo tan buushadiisa.
4. Leh awood uu ku sii wadan karo tacliinta Sare.

Qodobka 14aad

NOOCYADA HEERKA LABAAD

Noocyada Heerka Labaad waxa ay u qaybsami karaan.

1. Dugsiyada sare ee caamka an oo muddada wax lagu bartaa ay tahay afar sano.
2. Macaahidda Diinta Islaamka oo mudda wax lagu bartaa ay noqon karto afar sano.
3. Dugsiyada Sare ee farsamada oo muddada wax lagu bartaa ay noqon karto saddex ama afar sano.
4. Dugsiyada Saer ee mihaadaha oo muddada wax lagu bartaa ay noqon karto laba ama seddex sano.

Qodobka 15aad

Isku qoritaanka Dugsiyada Heerka Labaad

Dugsiyada heerka labaad waxaa loo oggolaan karaa in uu galo arday soo dhammeystay waxbarashada asaasiga ah.

QAYBTA SHANAAD

MANHAAJKA WAXBARASHADA

Qodobka 16aad

QORSHAHA MANHAJKA

Heer kasta oo waxbarasho waa in uu lahaadaa qorshe manhaj ka tarjumaya ujeedooyinka waxbarashada ee J.D.S. uu ansixiyo Wasiirku.

Ujeedooyinka guud ee waxbarashada J.D.S. Iyo kuwa muucyinka ah oo maaddo-maaddo iyo fasal fasal ah.

2. Muqarrar muujinaaya muuxaweyyaadka Waxbarasha ah maaddo maaddo iyo fasal fasal.
3. Habka waxdhigista.
4. Qalabka Waxbarashada.
5. Muudada waxbarashada iyo jadwalka toddobaadka.
6. Qaabka qiimeynta fujitaanka manhajka.

Qodobka 18aad

MAADDOOYINKA WAXBARASHADA

1. Maaddooyinka lagu baranayo dugsiyada dowladda heerarkooda kala duwan waxa ay ku soo bixi xeernidaamiye uu soo saaro Wasiirku.

2. Waxa khasab ah in lagu dhigo dugsiyada Qaranka oo dhan maaddooyinka Diinta Islaamka, Af Soomaaliga iyo Af Carabiga.

3. Maaddo kastaa waa in ay yeelataa kitaab saldhig u ah muqarrarka fasal kasta.

Qod. 19aad

(Afafka Waxbarashada)

Afafka rasmi ahaan wax lagaga baranayo dugsiyada dowladda ee J.D.S. waxa ay yihiin sidatan:

1. Dugsiyada heerka 1aad: Soomaali iyo Carabi;
2. Dugsiyada Sare ee Caamka ah iyo Macaahidda Diin Soomaali iyo Carabta.
3. Dugsiyada farsamada iyo mihnadaha: Soomaali, Carabi ama luqaddii kale ee loo baahdo.

Qod. 20aad

(Nashaadka Ardayga)

Muqarrarka rasmiga ah ee dugsiyada waxa lagu kaabayaa nashaadka isboortiga, Ubaxa Kacaanka, mucaskaraadka Dhallinyarada, Barashada Muusikada Kashaafadda iyo hawlihii kale ee kobcinaya hiwaayaadka ardayga.

QAYBTA LIXAAD

MACALLINKA

Qod. 21aad

zaad ama baad ee tacliinta dalka, waana in uu soo qaataa
tababar macallinnimo;

2. Waa in uu leeyahay akhlaaq fiican, kana fayow ya-
hay cudurrada la is qaadiyo, aanu tahayn in wax u dhintu
karta gudashada xiikiisa.

Qod. 22aad

(Xilka Macallinka)

Xilka Macallinku waa:-

1. Waxbaridda iyo barbaarinta ardayda;
2. Fulinta manhajka dugsiga;
3. Qiimeynta waxbarashada ardayga;
4. Ka kaalmaynta maamulaha xagga maamulka dugsiga;
5. Ka warbixinta manhajka waxbarashada;
6. Ka qaybgalka nashaadka dugsiga iyo ilaalinta nabad-
gelyada ardayga fasalka dhexdiisa.

Qod. 23aad

(Xeer Habaynaaya Xulka, Xilka iyo Habaynta Macallinka)

Faahfaahinta qodobbada 21aad, 22aad iyo habka hawl-
gelinta Macallinka waxa ay ku soo bixi xeer nidaamiye uu
soo saaro Wasjirku.

Qod. 24aad

(Shaqo Qoridda Macallinka)

Shaqo qoridda Macallinka iyo xuzuuqdiisa waxa lagu
maamulayaa sharciga Shaqaalaha Dowladda.

QAYBTA TODDOBAAD
MAAMULKA DUGSIYADA

Qod. 25aad

(Qeexid Dugsi)

Dugsi waa goob leh deegaan habboon, laguna fuliyo wax
barasho nidaamsan oo ujeeddo leh.

Qod. 26aad

(Shuruudaha Furid Dugsi)

Qod. 27aad

(Qaabka Dhisma Dugsi)

Qaabka hindisaha iyo dhisma qolalka waxbarashada waxa xaddidi talooyin ka soo baxa Wasfirka, iyadoo la tixgelinayo duruufaha deegaanada kala duwan ee dalka.

Qod. 28aad

(Xeernidaamina Maamulka Dugsiga)

Dugsi kastaa waa in uu yeeshaa qaab maamul oo tilmaamaya hoggaaminta iyo hubinta fulitaanka hawlaha dugsiga.

Faahfaahinta qaabka maamulka dugsi waxa uu ku soo bixi xeernidaamiye uu soo saaro Wasfirku.

Qodobka 29aad

MAAMULE DUGSI

Dugsi kasta oo leh ugu yaraan afar fasal waa in loo magacaabaa Maamule.

Qodobka 30aad

SHURUUDAHA MAGACAABIDDA MAAMULE DUGSI

Maamule Dugsi waxaa loo magacaabi karaa Macallin.

1. Buuxjey shuruudaha Macallinnimo ee ku xusan Qodobka 21aad Sharcigan.

2. Leh khibrad Macallinnimo oo aan ka yar in 3 Sano.

3. Ka fayow cudurada la is qaadsiiyo oo aan lahayn in wax u dhimi karta gudashada xijkiisa.

4. Leh hoggamin, hawlknimo iyo akhlaaq wansgsan.

Qodobka 31aad

KILKA MAAMULE DUGSI

Xilka Maamule Dugsi waa:

1. Hawlgelinta Macallimiinta iyo fulinta barnaamijka Waxbarashada.

2. ilaalinta hantida Dugsiyada.

3. Go'aaminta qiimeynta waxbarashada ardayga.

4. Habeynta iyo xafididda dekumentiga Dugsiga.

5. Fulinta xeerarka dugsiyada.

6. Hagaaginta xiriirka dugsiga iyo beesha

9. Ilaajinta nabadgeiyada iyo nadaafadda dugsiga iyo bulshadiisa (adray iyo shaqaale).

10. Xiriirinta dugsiga iyo xafiiska waxbarasho ee uu toos u hoos yjmaado.

11. ku taakulaynta barasha gudashada xijkiisa,

12. horumarinta nashaadka Dugsiga.

Qodobka 32aad

MAAMULE KU XIGEEN DUGSI

Dugsi kasta oo ah heerka koowaad oo ka kooban ugu ya raan 8 fasal ama ah heerka labaad oo ka kooban ugu yaran 4 fasal waxa uu yeelan karaa maamule ku xigeen iyo xoghaye.

Qodobka 33aad

GUDDIYADA DUGSIYADA

Dugsi kasta waxa uu yeelanayaa guddi maamul waxba rasho iyo guddi waalid, kuwaasoo xubnahooda iyo xilalkooda lagu faahfaahin doono xeer nilaamijye uu soo saaro W/ka

Qodobka 34aad

Mas'uuliyadda Waxbarashada ee Dawladaha Hoose.

Dhismaha, qalabeynta, dayctirka iyo maamulka dugsiga yada Qur'aanka, xanaanada caruurta, waxbarashada asaa siga ah iyo dhaqaalaha guriga waxaa ka mas'uul ah dawladaha hoose ee Degmooyinka.

Qod. 35aad

(Hoggaaminta Waxbarashada)

Hoggaaminta hawlaha Waxbarashada gobol iyo degmo kasta waxa Madax ka ah Guddoomiyaha Maamulka Dawladaha ee Gobolka ama Deg. Iyada oo Gobol iyo Degmo kasta uu yeelanayo Madax Waxbarasho oo u xilsaaran fulinta maamulka hawlaha waxbarashada.

Qod. 36aad

(Anshaxa Ardayda)

1. Ardayga ku xadgudba xeerka iyo niidaamka dugsiga, shaqo iyo ciyaaraha Macallimiyada iyo Madaxda kale ama

2. Waxa ka reeban Macallinka iyo Maamulka dugsiiga in ay ardayga u geystaan falaa wax u dhimi kara jirkiisa, maskaxdiisa ama shakhsiyaddiisa.

3. Faahfaahinta xubnaha godobkani waxa ay ku soo bi-xi xeer-nidaamiye uu soo saaro Wasiirku.

QAYBTA SIDDEEDAAD
WAXBARASHADA DADBAN

Qod. 37aad

(Qeexidda Waxbarashada Dadban)

Waxbarashada Dadbani waa waxbarasho nidaamsan oo loogu talagalay dadka waaweyn ee ay da'doodu gaartay 15 jir.

Qod. 38aad

(Ujeeddooyinka Waxbarashada Dadban)

Waxbarashada Dadbani waa in ay:-

1. Qofka u suurtagelisaa kor u qaadidda awooddiisa aqooneed, farsamo, xirfadeed iyo kordhinta awooddiisa wax-soo-saar dhaqaale;

2. Qofka siisaa awood uu ku sii wadan karo waxbarashadiisa;

3. Tahay mid ku habboon dadka la siinayo, waana in loo eegaa hadba sida looga baahan yahay xagga horumarinta bulshada, dhaqaalaha iyo dhaqanka.

Qod. 39aad

(Noocyada Waxbarashada Dadban)

Noocyada Waxbarashada Dadbani waxa ay ka koonaan-karaan, guud ahaan qaybahan:-

1. Akhris Qorjista.

2. Waxbarasho Guud oo ka sarreysa akhris qorjista ee heerar kala duwan leh.

3. Barasho Xirfad.

Qod. 40aad

(Mas'uuliyadda Waxbarashada Dadban)

1. Wasaaraddu waa in ay dhiirrigelisaa faafinta waxbarashada dadban iyada oo la kaashanaysa Wasaaradaha, Hay'adaha madaxa bannaan iyo Dawladaha Hoose ee Degmooyinka.

2. Wasaaraddu waxa ay talo ka bixineysaa dejinta siyaa sadda guud iyo barnaamijyada waxbarashada dadban.

3. Barashada xirfadaha kala duwan ee waxbarashada kale ee qaranka.

dadbani waxa ay fulin kara Wasaaradda ka sokow Hay'adaha

Qod. 41aad
(Afafka Waxbarashada Dadban)

Afafka Asaasiga u ah Waxbarashada dadban waa afka Soomaaliga iyo kan Carabiga.

Qod. 42aad
(Shahaado Siinta)

Qof kasta oo dhammeysta barnaamijyada waxbarashada dadban midkood waxaa la siin karaa shahaado aqoonsi ah.

Qod. 43aad
(Waxbarashada Haweenka)

Waa in ahmiyad gaar ah la siiyaa horumarinta waxbarashada haweenka.

QAYBTA SAGAALAAD
WAXBARASHADA AHLIGA AH

Qod. 44aad

Waxbarashada ahliga ahi waa waxbarasho nidaamsan, manhaj ahaan iyo maamul ahaanba, oo ay bixiyaan mu'asado waxbarasho oo aanay dawladi lahayn oo si sharci ah uga diiwaangashan Wasaaradda.

Qod. 45aad
(Danta laga leeyahay Waxbarashada Ahliga ah)

Danta laga leeyahay waxbarashada ahliga ah waxa ay tahay:-

1. In ay kordhiso fursadaha waxbarasho ee dalka;
2. In ay kaalin ka qaadato kordhinta tayada waxbarashada dalka.

Qod. 46aad

(Noocyada iyo Heerarka Waxbarashada Ahliga ah)

1. Noocyada waxbarashada ahliga ahi waxaa ay noqon karaan:-

- b) Waxbarasho ahli ah oo toos ah;
- t) Waxbarasho ahli ah oo dadban;

2. Heerarka Waxbarashada Ahliga ahi waxay noqon karaan:—

- b) Dugsiyada Qur'aanka iyo Xannaanada Carruurta.
- t) Heerka Koowaad.
- j) Heerka Labaad.

Qodobka 47aad

MANHAJKA WAXBARASHADA AHLIGA AH

1. Mu'asaasad kasta oo bixisa waxbarasho ahi ah waa in ay nooc iyo heer kasta oo waxbarasho oo ay bixiso u leeda hay qorshe manhaj ay oggolaatay Wasaaraddu.

2. Manhajka waxbarashada ahliga ahi waa in uu ku salaysnaadaa ka dugsiyada Dawladda.

3. Qorshaha manhajka waxbarashada dugsi kasta oo ahi ah waa in si cad oo tifaftiran loogu muujiyaa xubnaha asaasiga uga ah manhajkaasi. Tifaftirka xubnahaasi waxa ay ku soo bixi xeernidaamiye uu soo saaro Wasiirku.

Qodobka 48aad

AFAFKA WAXBARASHADA AHLIGA AH

1. Afka Soomaaliga iyo afka Carabiga waa afafka ras miga u ah waxbarashada ahliga ah.

2. Waxaa bannaan in afaf kale laga barto dugsiyada ahliga ah heer kastaba.

2. Heerarka Waxbarashada ahliga ahi waxay noqon

Qodobka 49aad

MAADDOOYINKA KHASAB AH

Waxaa khasab ah in lagu dhigo dugsiyada ahliga ah oo dhan maaddooyinka Diinta Islaamka, af Soomaaliga iyo af Carabiga.

Qodobka 50aad

(Lahaanshaha Dugsi Ahli ah iyo shuruudaha aqoonsigiisa)

1. Dugsi ahi ah waxa yeelan karta mu'asaasad waxbarasho oo Soomaaliyeed oo si sharci ah u diiwaangashan.

2. mu'asaasad waxbarasho waxa si sharci ah loo dji waangelin karaa marka ay fuliso shuruudaha hoos ku qoran

b) Keenid qorsha manhaj waafaqsan qod. 47aad ee sha

- ga oo buuxiya shuruudaha xulashada macallinka ee qodobka 21aad ee sharcigan.
- j) Caddeyn awood hantijeed oo u qalanta fulitaanka hawlaha dugsiga.
3. Dugsi ahij ah waxa la aqoonsan karaa.
- b) Haddii ay leedahay mu'asaasad waxbarasho oo si sharci ah u dliwaangashni.
- t) Ka dib marka wasaaraddu ay ansixiso goobta iyo qaabka dhismaha ee dugsiga, qalabkiisa, maamulkiisa iyo macallimiintiisa.
4. Tifaftirka qodobkani waxa uu ku soo bixi xeerndaa-miye uu soo saaro Wasiirku.

Qod. 51aad

(Maamulka Waxbarashada Ahliga ah)

Mu'asaasad waxbarasho kasta oo ahli ahi waa in ay yee-lataa guddi maamul oo ka kooban xubno ay soo xusheen mul-kijlayaasha mu'asaaddu, xubno ka socda waalidka iyo wa-kijl ka tirsan Wasaaradda.

Qodobka 52aad

(Qiimeynta Waxbarashada Ahjiga ah)

Qiimeynta, kormeerka iyo shahaaddo siinta waxbarashada ahliga ah waxa ka mas'uul ah Wasaaradda.

Qodobka 53aad

AWOOD XIRID AHLI AH

Wasaaraddu waxa ay awood u leedahay in ay mu'asaasad waxbarasho ka xirto dugsigii fulin waaya shuruudihii lagu aqoonsaday dugsiga.

Qodobka 54aad

XAFIISKA WAXBARASHADA AHLIGA AH

Wasaaraddu waxay yeelanaysaa xafiis u xilsaaran wax-barashada ahliga ah.

QEYBTA TODQBAAD

WAXBARSHAADA GAARKA AH

Qodobka 55aad

lay dadka iinta ku leh jirka ama maskaxda sida indhoolayaa sha, dhegooleyaasha iyo naafada.

Qodobka 56aad

BAAHIDA WAXBARASHO EE ILMAHA IINTA LEH

Iimo kasta oo iin lhi waa in uu helaa waxbarasho ku sajeysan baahidiisa iyo awooddiisa, lana gaarsiiyo heer uu is ku filnaado.

Qodobka 57aad

FULINTA WAXBARASHADA GAARKA AH

Barnaamijyada lagu hormarinayo waxbarashada gaarka ah waxa wadajir u fulinaya Wasaaradda, Hay'adaha kale ee Qaranka ee ku shaqo leh daryeelka bulshada & D/Hoose.

Qodobka 58aad

(Shuruudaha Xarumaha Waxbarashada Gaarka ah)

Xarun kasta oo lagu fulinayo waxbarasho gaar ah waa in ay leedahay macallimiin u tababaray waxbarashadaasi iyo Shaqaale Caafimaad.

Qodobka 59aad

(Xiriirinta iyo Qiimeynta Waxbarashada Gaarka ah)

Wasaaradda ayaa guud ahaan u xil saaran xiriirinta, ko-rmeerka iyo qiimeynta barnaamijyada waxbarashada gaarka ah.

Qod. 60aad

(Xafiiska Waxbarashada Gaarka ah)

Wasaaradda Waxbarashada iyo Barbaarintu waxa ay yeelanaysaa Xafiis u qaabilsan waxbarashada gaarka ah.

**QYBTA KOWIYOTOBANAAD
QIIMEYNTA WAXBARASHADA**

Qod. 61aad

Wasaaradda ayaa ka mas'uul ah qiimeynta waxbarashada dalka heerarkeeda koowaad iyo labaad (mid dawladeed iyo mid ahqi ahba) iyo tababarka macallimiinta.

kasta waxbarashadiisa la qiimeeyaa, la diiwaangejiyaa, la kaydiyaa lana ogeysiyaa ardayga natiijada imtixaanka.

Qod. 63aad
(Imtixaanka Shahaadada)

Arday kasta oo dhammaysta heer waxbarasho (mid uawlaadeed iyo mid anti ah) waa in uu farjiistaa imtixaanka shahaado ee Qaranka.

Qod. 64aad
(Xeer habaynaya Imtixaanka Naqliga ah)

Habka imtixaanka naqliga, ka shahaadada iyo kuwa waxbarashada dadban waxa ay ku soo bixi xeeridaamiye uu soo saaro Wasiirku.

Qod. 65aad
(Muddada Sannad Dugsiyeedka)

Muddada sannad dugsiyeedku kama yaraan karto 35 toddobaad, kamaana badnaan karto 39 toddobaad.

Qod. 66aad
(Burin)

Waxaa la buriyey sharci iyo xeer kasta oo ka soo horjeeda ama aan la socon karin sharcigan.

Qod. 67aad
(Dhaqan Gelin)

Sharcigani waxa uu dhaqangelayaa marka uu saxiixo Madaxweynaha Jamhuuriyadda Dimoqraadiga Soomaaliya waxaana lagu soo saarayaa Faafinta Rasmiga ah ee Jamhuuriyadda.

Muqdisho, 12 Feb. 1987

MADAXWEYNAHA J.D.S.
(Maxamed Siyaad Barre)

Xeer Madaxweynaha J.D.S. Lambr 8 taariikh 20 Jan. 1987 Ujeedo Magacaabid Nootaayo.—

MADAXWEYNAHA J.D.S.

MARKUU ARKAY: Qodobka 82aad ee Dastuurka.

MARKUU ARKAY: Sharciga lambar 8 ee 15.2.61 iyo sharci ga lamabar 1 ee 2.3.62, kuna saabsan habeynta hawlaha Nootaayada.

MARKUU ARKAY: Qodobka 2aad, sharciga lambar 7 ee 2.2.86, oo awood u siinaya Madaxweynaha J.D.S. in uu toos iyo tartan jaaan u magacaabo nootaayo qofkii mudan

MARKUU TIXGELIYEY: In J/le Jaamac Maxamed Qaalib uu si iican u naan karo, xag aqoon sharci iyo xag qalsoonba, minnaada nootaayanimada.

MARKUU TIXGELIYEY: Soo jeedinta Wasaaradda Garsoorka iyo Arrimaha Dinta (Warqad lam. MG/4/23.360 ee 4.3.86)

WUXUU SOO SAARAYAA

Qodobka 1aad

Waxaa J/le Jaamac Maxamed Qaalib loo magacaabay NOOTAAYO, wuxuuna hawlihisa ka fulinayaa, xafiiska ka furanayaa magaalada Muqdisho.

Qodobka 2aad

Xeerkani wuxuu dhaqan gelayaa isla marka uu saxiixo Madaxweynaha J.D.S. Waxaana lagu soo saarayaa Faafinta Rasmiga ah ee Jamhuuriyadda.

Muqdisho, 20 Jan. 1987.

Waan Aragnay ee Diiwaangelinnay.

Diiwaanka L. 1 Bog. L. 25

da oo ah maaddo maaddo iyo fasal fasal.

Muqdisho, 11.2.87.

Hantidhowraha Guud.

Dr. Xuseen Cabdulle Cali.

QAYBTA SADDEXAAD**TALOOPYIN, ISGAARSIIN, OGEYSIIS IYO WIXII LA MID AH**

- MAXKAMADDA G. BANAADIR, 31.3.87,**
Lumid Jeeg War. L. 392272 ku qoran Maxamuud Maxamed
Xaaji Ibraahim Lr. 90 251
- MAXKAMADDA G. BANAADIR, 11.3.87,**
Lumid 2 Jeeg War. ku qoran Caasha Xaaji Axmed
Lr. 91 252
- MAXKAMADDA G. BANAADIR, 27.3.87,**
Lumid Jeeg War. L. 0378833 ku qoran Cabdulqaadir
Xaaji Busuri Lr. 92 253
- MAXKAMADDA G. BANAADIR, 28.3.87,**
Lumid Jeeg War. L. 0609405 ku qoran Maxamuud Xaaji
Axmed Lr. 93 254
- MAXKAMADDA G. BANAADIR, 4.4.87,**
Lumid Jeeg War. L. 0435399 ku qoran Ibraahim Cabdi
Jaamac Lr. 94 255
- MAXKAMADDA G. BANAADIR, 5.4.87,**
Lumid 3 Jeeg War. ku qoran Maxamed Cabdi
Jaamac Lr. 95 256
- MAXKAMADDA G. BANAADIR, 7.4.87,**
Lumid 2 Jeeg War. ku qoran Cumar Iidle
Suleymaan , 257
- MAXKAMADDA G. TOGDHEER, 11.1.87,**
Lumid Jeeg War ku qoran Shugri X. Ciise Cali 258
- MAXKAMADDA G. BANAADIR, 11.4.87,**
Lumid Jeeg War. ku qoran Maxamed Aadan Takar . 259
- MAXKAMADDA G. W. GALBEED, 6.1.87,**
Lumid Jeeg War. ku qoran Ibraahim Nuur Xasan ... 260
- MAXKAMADDA G. BANAADIR, 14.4.87,**
Lumid Jeeg War. ku qoran Faadumo Xaaji
Cabdullaahi 261
- MAXKAMADDA G. BANAADIR, 19.4.87,**
Lumid 3 Jeeg War. ku qoran Cabdi Xasan
Cali 262
- MAXKAMADDA G. BANAADIR, 13.4.87,**
Lumid Jeeg War. ku qoran Sabro Xasan Bulqale Yirsi 263